



ХАВДРЫН ҮНДЭСНИЙ ЗӨВЛӨЛИЙН 2018 ОНЫ ҮЙЛ АЖИЛЛАГААНЫ ТАЙЛАН

Хавдрын Үндэсний Зөвлөл

И-мэйл: cancercouncilmongolia@gmail.com

Вэбсайт: www.cancercouncilmongolia.mn

Утас: +976 7000 1393



National Cancer Council of Mongolia
Non-Governmental Organization

АГУУЛГА

Талархал	3
Зорилго болон алсын хараа	4
Бидний зорилго	4
Бидний алсын хараа	4
Бидний үйл ажиллагаа	4
Манай хамт олон	4
Санхүү	5
Санхүүгийн товч тайлан	5
Үндсэн үйл ажиллагаа	6
Хавдартай тэмцэх дэлхийн өдөр	6
Ном, гарын авлага	6
Бясалгалын хөтөлбөр	7
Тээврийн хөтөлбөр	8
Судалгаа, шинжилгээний ажил	8
Сайн дурынхан	9
Хандивын арга хэмжээ	10
Олон улсын хамтын ажиллагаа	11
Өвчтөн түр байрлуулах “Дарь эхийн өргөө” төв	12
Оролцсон олон улсын хурал, семинар, сургалтууд	13
Шагнал	14
Удирдах зөвлөлийн гишүүд	15
Ажлын алба	16
Хандивлагчид	17


ТАЛАРХАЛ

2014 оноос хойш манай байгууллагын үйл ажиллагааг бүх талаар дэмжин, хавдар хэмээх өвчинтэй тэмцэх урт аян замд мөр зэрэгцэн алхаж буй та бүхнийхээ энэ өдрийн мэндийг айлтган мэндчилье. Өнгөрсөн жилийн хугацаанд бид хамтдаа олон ажлыг хийж гүйцэтгэжээ. 1100 гаруй гишүүнтэй Олон улсын хавдрын хяналтын нийгэмлэгийн гишүүний хувьд Малайзын нийслэл Куала Лумпур хотод зохион байгуулагдсан Олон улсын хавдрын их хуралд оролцохоос гадна дэлхийн 9 оронд зохион байгуулагдсан олон улсын хурал, уулзалтуудад оролцож, хүүхдийн хавдрын эмчийг АНУ-д, тамхины судалгааны туслах судлаачийг Өмнөд Африкт мэргэжил дээшлүүлэн сургасан байна. Түүнчлэн АНУ-ын хүүхдийн хавдрын эмнэлэг, Евроазийн хүүхдийн хавдрын мэргэжилтний нийгэмлэг зэрэг байгууллагуудтай хамтран ажилладаг болж үйл ажиллагаагаа өргөжүүллээ.

Австралийн Засгийн Газрын санхүүжилтээр хэрэгжсэн “Залуу эмэгтэйчүүдийн дундах Хүний папиллома вирүсийн тархалтын судалгаа”, Өмнөд Африкийн их сургуультай хамтарсан “Хууль бус тамхины нөхцөл байдлын судалгаа”-г дуусгаж, Австралийн Мурдокийн хүүхдийн судалгааны төвтэй хамтарсан ХХВ-ийн эсрэг вакцины 1 тунгийн судалгааны ажлыг эхлүүллээ. Умайн хүзүүний хорт хавдраас урьдчилан сэргийлэх, тамхины татварыг нэмэгдүүлэх чиглэлээр сургалт семинар зохион байгуулж хэвлэл, мэдээллийн салбарынхантай хамтран ажиллалаа. Түүнчлэн олон нийтэд зориулсан цуврал сургалтууд, мэдээлэл сургалт сурталчилгааны үйл ажиллагаануудыг зохион байгуулж нийт 400 хүнийг хамрууллаа.

Хавдартай өвчтөнүүдэд зориулсан бясалгалын хичээл, тээврийн хөтөлбөр зэргээ үргэлжлүүлэн, гарын авлагуудыг цувралаар хэвлэж гаргалаа. Эдгээр үйл ажиллагааг явуулахад хэрэгцээтэй санхүүжилтийг “Жазз хөгжимтэй галт тэрэгний аялал” зохиох, хүүхдийн ном, хуанли борлуулах зэргээр ажиллалаа. Хөдөө орон нутгаас хотод эмчилгээнд ирж буй өвчтөнүүдэд зориулсан “Дарь Эхийн Өргөө” өвчтөн байрлуулах төвийн засварт хэрэгцээтэй хандив босгох үйл ажиллагааг амжилттай явуулж, олон байгууллага, хувь хүмүүсийн өгөөмөр сэтгэл, дэмжлэгтэйгээр засварын ажлыг дуусгалаа.

Эдгээр бүх ажлууд манай байгууллагын сайн дурын ажилтнууд, хандив, тусалцаа үзүүлдэг, хамтран ажилладаг хувь хүн, байгууллагууд, хүмүүсийн хамтын хөдөлмөрийн үр дүн, дэмжлэгээр амжилттай бүтээгдсэнийг дурьдаж дахин талархал илэрхийлмээр байна. 2019 оны босгон дээр шилдэг хүмүүнлэгийн байгууллагаар шалгаран “Алтан Сарнай” шагналыг авсан нь бидэнд урам зориг нэмж, улам их үүрэг хариуцлага өгсөн билээ. 2019 онд та бүхнийхээ итгэлийг дааж илүү олон зүйлийг хийж бүтээхийн төлөө хичээнгүйлэн ажиллах болно.



Хавдрын Үндэсний Зөвлөлийн үүсгэн байгуулагч,

Гүйцэтгэх захирал Б.Цэцэгсайхан /АУ-ны доктор/

ЗОРИЛГО БОЛОН АЛСЫН ХАРАА

Бидний зорилго

- Монгол хүн амын дундах хавдрын эрсдлийг бууруулах, нийгмийн эрүүл мэндийн тусламж үйлчилгээг хүн амд хүргэх

Бидний алсын хараа

- Хавдраас урьдчилан сэргийлэх, эрт илрүүлэх, судалгаа шинжилгээ хийх болон хавдартай өвчтөнүүдэд тусламж үйлчилгээ үзүүлэх зэрэг үйл ажиллагааг олон нийтийн тусалцаатайгаар хийж гүйцэтгэх

Бидний үйл ажиллагаа

- ХАВДРЫН ҮНДЭСНИЙ ЗӨВЛӨЛ Төрийн бус байгууллага нь 2014 онд байгуулагдсан ашгийн бус, нийгэмд үйлчлэх сайн санааны байгууллага юм.

Манай байгууллага үндсэн 2 чиглэлээр үйл ажиллагаа явуулдаг. Үүнд:

- Хавдрын эрсдлийг бууруулах, эрт илрүүлгийг сайжруулах
- Хавдраар өвдсөн хүмүүсийн амьдралын чанарыг сайжруулах, тэдэнд болон ар гэрийнхэнд
нь дэмжлэг тусалцаа үзүүлэх

Бидний үйл ажиллагааг өөрсдийн мэдлэг, ур чадвар, цаг зав, хөрөнгөө зарцуулан тусалж дэмждэг олон зуун хүмүүсийн дэмжлэггүйгээр төсөөлөхийн аргагүй юм. Манай хамт олон эрүүл мэндийн байгууллагын ажиллагсад, судлаачид, хавдрын эмч, сайн дурын ажилтнуудтай нягт хамтран ажилладаг. Олон нийтийн оролцоо, хамтын ажиллагаа нь бидний алсын зорилгодоо хүрэх хамгийн чухал үйл ажиллагаа болдог.

Манай хамт олон




САНХҮҮ

Санхүүгийн товч тайлан

Манай байгууллагын орлогын 85%-ийг Австрали, АНУ, Канад, Өмнөд Африк зэрэг улс дах олон улсын, судалгааны байгууллагуудтай хамтран хэрэгжүүлж буй төсөл, хөтөлбөрүүдийн санхүүжилт, 12%-ийг байгууллага болон хувь хүмүүсийн хандив болон “Максимо, Том Си хоёр” ном, “Аз жаргалын хүанли-2019”, “Австралид өнгөрүүлсэн 10 жил” зэрэг номын борлуулалт тус тус бүрдүүлж байна. Зардлын 53%-ийг судалгаа, олон нийтэд зориулсан сургалт, семинар, хэвлэл (гарын авлага, ном хэвлүүлэн тараах), 47%-ийг “Дарь Эхийн Өргөө” өвчтөн байрлуулах төвийн засварын үйл ажиллагааны зардал тус тус эзэлж байна.

2018 оны орлого



2018 оны зарлага



ҮНДСЭН ҮЙЛ АЖИЛЛАГАА

Хавдартай тэмцэх дэлхийн өдөр

Олон нийтийн анхаарлыг хавдартай тэмцэх үйлсэд хандуулах үүднээс хавдартай тэмцэх дэлхийн өдөрт зориулан Аварга сургуультай 2 дахь жилдээ хамтран “Өсвөрийн бөхчүүдийн барилдаан”-ыг 2-р сарын 4-нд зохион байгуулав. Өсвөрийн 64 бөх оролцсон тус барилдаанд аймгийн Алтай сумын харьяат, улсын шандас Батаагийн Ганхүлэг түрүүлж, Завхан аймгийн Цагаанчулуут сумын харьяат Баатарзоригтын Алтансүх үзүүрлэв. Их шөвөгт Хэнтийн Баянмөнх сумын харьяат Б.Сумьяабазар, Баянхонгорын Баянлиг сумын харьяат А.Чимэдбатаа нар шалгарлаа.



Үзүүр түрүүний бөхчүүл



Бөхчүүд, зохион байгуулагчдын хамт

Ном, гарын авлага

Хавдартай өвчтөнүүд болон тэдгээрийн гэр бүл, найз нөхөд, асран хамгаалагчдад зориулан цуврал ном хэвлүүлдэг уламжлалт ажлын хүрээнд “Хавдрыг даван туулах нь” номны 2 дах хэвлэл, “Хавдар өвчний үеийн хооллолт” номыг тус бүр 1000 ширхэгийг хэвлүүлэн нийслэлийн 9 дүүргийн эмнэлэг, Хавдар Судлалын Үндэсний Төвөөр дамжуулан дээрх номуудыг үнэгүй тараах ажлыг хийж гүйцэтгэлээ. Мөн манай байгууллагаас 2016 онд орчуулж хэвлүүлсэн “Максимо Том Си” үлгэрийн номыг Интерном номын дэлгүүр болон бусад хувь хүн албан байгууллагаар худалдаалах ажлыг үргэлжлүүлэн гүйцэтгэсэн.



Эмнэлгүүдэд үнэгүй тараагдсан ном, гарын авлагууд

Сургалт, семинар

Хавдрын эрсдэлт хүчин зүйл болон урьдчилан сэргийлэх арга зам” 8 удаагийн сургалтыг Ерөнхий

боловсролын 6 сургууль, Улсын нэгдүгээр төв эмнэлэг, Гэмтэл согог судлалын үндэсний төвд зохион байгуулж, нийт 150 гаруй хүмүүсийг хамрууллаа.



Зүүн талын зураг: Гэмтэл согог судлалын үндэсний төв

Баруун талын зураг: Ерөнхий боловсролын 6-р сургууль

Бясалгалын хөтөлбөр

“Их Хөлгөний Уламжлалыг Хадгалах Төв”-тэй хамтран “Хавдартай өвчтөнүүд, тэдгээрийн асран хамгаалагч нарт” зориулсан үнэ төлбөргүй бясалгалын хичээлийг 2018 оны 4-5 сард зохион байгуулж давхардсан тоогоор 30 орчим хүмүүсийг хамрууллаа. Энэхүү сургалтын явцад оролцогчид өөрийн бие махбодын болон сэтгэлийн түгшүүр, шарх, өвдөлт, өвчин зовлон зэрэг асуудлуудыг даван туулах, бясалгалын зөв амьсгалах, тайвшрах арга техникийг эзэмшсэн.



Бясалгалын хичээлийн үеэр

Тээврийн хөтөлбөр

Монгол-Оросын хамтарсан хувь нийлүүлсэн нийгэмлэг Улаанбаатар Төмөр Замтай 2016 оны 2 дугаар сарын 04-ны өдөр зурсан хамтран ажиллах санамж бичгийн хүрээнд төмөр замын дагуу байрлаж буй аймаг, сум, орон нутагт оршин суудаг, хорт хавдраар оношлогдсон 11 хүнийг нийслэл хотод эмчилгээнд ирж, буцахад нь төмөр замаар үнэ төлбөргүй зорчуулсан.



УБТЗ-ын 1-р орлогч дарга Милостных И.Г., ХҮЗ-ийн гүйцэтгэх захирал Б.Цэцэгсайхан

Судалгаа, шинжилгээний ажлын хүрээнд

“Хүний папиллома вирусийн тархалт”-ын судалгаа

Австралийн Засгийн Газрын санхүүжилтээр Мурдокийн Хүүхдийн судалгааны институттай хамтран 2000 км зам туулж, УБ хотын 2 дүүрэг, Сэлэнгэ, Өмнөговь аймгийн 19-20 насны 3 тун хийлгэсэн 1903 гаруй эмэгтэйчүүдийг хамруулсан судалгааг дуусгалаа. Энэ нь хүний папиллома вирусийн хавдар үүсгэдэг түгээмэл төрөл болох 16, 18, 45-р хэв шинжийн халдварын тархалт умайн хүзүүний хавдрын эсрэг вакцин хийлгэсэн болон хийлгээгүй охид, эмэгтэйчүүдийн дунд ямар байгааг тандаж хийсэн судалгаа юм. Судалгааны үр дүнг Сингапур, Австрали улсад зохион байгуулагдсан олон улсын хурлууд дээр танилцууллаа.

Түүнчлэн 2012 онд умайн хүзүүний хавдрын эсрэг дээрх вакцины 1 тунг хийлгэсэн эмэгтэйчүүдийн дундах Хүний папиллома вирусийн тархалтыг үнэлж тогтоох шинэ судалгааг эхлүүлээ.



Судалгааны үеэр

“Тамхины татварын хууль бус худалдаанд үзүүлэх нөлөөг тогтоох” судалгаа

Английн Хавдрын судалгааны байгууллагын санхүүжилтээр Өмнөд Африкийн Кейп Тауны их сургуультай хамтран тамхины татвар нэмэгдэх нь хууль бус тамхины нөхцөл байдалд хэрхэн нөлөөлж байгааг тогтоох судалгааны ажлыг гүйцэтгэлээ.



Зүүн талын зураг: Тамхины судалгааны явц

Баруун талын зураг: Индонез улсын Бали хот, Тамхины хяналтын их хурал

Улаанбаатар хотын 9 дүүрэг болон Баян Өлгий, Дорнод аймгийн төвүүдээс нийтдээ 20,000 ширхэг тамхины хайрцаг цуглуулж нарийвчлан үнэлгээ хийсэн бөгөөд тус судалгааны үр дүнг Индонез, Өмнөд Африкт болсон олон улсын хуралд хэлэлцүүлсэн.

Сайн дурынхантай ажиллах хүрээнд

Сайн дурын ажилтнуудыг чадавхижуулах, үйл ажиллагааг нь идэвхижүүлэх зорилгоор Австралийн сайн дурын ажилтан Линетт Смит англи хэлний сургалт явуулж, 20 хүнийг хамруулав. Хавдар судлалын үндэсний төвтэй хамтран хэрэгжүүлдэг сайн дурын хөтөчийн хөтөлбөрийг үргэлжлүүлэн явуулж тус ажлын хүрээнд өвчтөнүүдийн асуусан асуултанд хариулах, хүлээлгийн хэсэгт байрлаж буй хүмүүст эмнэлгийн зохион байгуулалт, тусламж үйлчилгээний талаар мэдээлэл өгөх зэрэг үйл ажиллагааг гүйцэтгэн 100 гаруй хүнд хүнд мэдээлэл хүргэлээ.



Хөтөч мэдээллийн ажилтнууд

Хандивын арга хэмжээ

“Галт тэрэгний аялал”

5-р сард Сэлэнгэ, 9-р сард Дорноговь аймаг руу 2 удаагийн “Жазз хөгжимтэй галт тэрэгний аялал” зохион байгуулж, нийт 170 гаруй хүнд Монгол орны байгалийн үзэсгэлэнт газар, түүх соёлыг таниулан сурталчиллаа. Галт тэрэгний аялалд оролцогсад бидний үйл ажиллагааг дэмжин нийт 13 орчим сая төгрөгийн хандив босгосон байна.



Зүүн талын зураг: Сэлэнгэ аймгийн галт тэрэгний аялал

Голын зураг: Галт тэрэг дотор

Баруун талын зураг: Дорноговь аймгийн галт тэрэгний аялал

“Аз жаргалын хуанли”

Жил бүр уламжлал болон хэвлүүлдэг эрүүл мэндийн зөвлөгөө бүхий “Аз жаргалын хуанли-2019” ширээний хуанлиг борлуулж, олсон орлогоор “Дарь Эхийн Өргөө”-ний хүлээн авах хэсгийг тохижууллаа.



Аз жаргалын хуанли - 2019

Олон улсын хамтын ажиллагаа

Канадын Лаурел сантай хамтран ажиллах хамтын ажиллагааны хүрээнд Хангай Арслан клубтэй хамтран Канадын 20 гаруй мэргэжилтнийг Хавдар судлалын үндэсний төв, Улсын нэгдүгээр төв эмнэлэг, Архангай аймгийн нэгдсэн эмнэлэгт ажиллах, мэс засал хийх үйл ажиллагаанд дэмжлэг үзүүлэн хамтран ажиллав.



Канад эмч нарын баг

“Тамхины хяналтыг сайжруулах дэлхий нийтийн туршлага” уулзалт, хэлэлцүүлэг

Дэлхийн хэмжээнд тамхины хяналтыг сайжруулах тэргүүн туршлагаас хуваалцах үүднээс “Тамхины хяналтыг сайжруулах дэлхий нийтийн туршлага” уулзалт хэлэлцүүлгийг зохион байгуулав. Тус хэлэлцүүлгийн үеэр Австрали, Өмнөд Африк, Гүрж зэрэг орнуудын туршлага болон Өмнөд Африкийн Кэйп Тауны их сургуулийн тамхины хяналтын эдийн засгийн төсөлтэй хамтран хийсэн Монгол орон дах хууль бус тамхины байдалд тамхины татварын нэмэгдүүлэлтийн үзүүлэх нөлөөллийг үнэлэх судалгааны үр дүнг танилцууллаа.



Зүүн талын зураг: Тамхины хяналтыг сайжруулах дэлхий нийтийн туршлага уулзалт хэлэлцүүлгийн үеэр

Баруун талын зураг: ХҮЗ-ийн гүйцэтгэх захирал Б.Цэцэгсайхан, Жорж Бактуридзе, Кэйп Тауны их сургуулийн профессор Хана Росс нарын хамт

Австралийн ЭСЯ, Шинэ Өмнөд Уэльсийн их сургууль, НЭМҮТ зэрэгтэй хамтран “Умайн хүзүүний хорт хавдраас урьдчилан сэргийлэх арга замууд” кредиттэй сургалтанд 100 гаруй эрүүл мэндийн байгууллагын ажилтнуудыг хамрууллаа.



НЭМҮТ-тэй хамтран зохион байгуулсан “Умайн хүзүүний хорт хавдраас урьдчилан сэргийлэх арга замууд” сургалт

Өвчтөн түр байрлуулах “Дарь эхийн өргөө” төв

Хөдөө орон нутгийн хавдартай өвчтөнүүдийг нийслэл хотод эмчилгээ хийлгэх хугацаанд нь тохь тухтай байранд байрлуулах, өвчтөнүүдэд тусламж дэмжлэг үзүүлэх, өвчнөө даван түүлах итгэл найдвар өгөх зорилгоор өвчтөн түр байрлуулах “Дарь эхийн өргөө”-г тохижуулахад шаарлагатай 130 орчим сая төгрөгийн бэлэн, бэлэн бус хандив босгож, өрөөнүүдийн засварыг хийж тохижуулж, ашиглалтанд оруулан үйл ажиллагааг эхлүүлээд байна. Тус төв нь нийт 31 үйлчүүлэгч байрлах, нийтийн тохилог гал тогоо, амралтын өрөө, угаалгын өрөө, хүүхдийн болон номын булан, өвчтөн байрлах зэрэг нийт 14 өрөөтэй.



Зүүн дээд талын зураг:

Хүүхдийн булан

Зүүн доод зураг:

Communal kitchen



Баруун дээд зураг:

Өвчтөн байрлах өрөө

Баруун доод зураг:

Хандивлагч нар



Оролцсон олон улсын хурал, семинар, сургалтууд

Мэргэжил дээшлүүлэх сургалт

- 9 сар АНУ-ын Мемфис хот - Хүүхдийн хавдрын хөнгөвчлөх эмчилгээ
- 1 сар Өмнөд Африкийн Кэйп Тауны их сургууль - Тамхины эдийн засаг, татвар

Олон улсын хурал, семинар

- 01 сарын 18-20-нд Непал улсын нийслэл Катманду хот - Хавдрын Олон Улсын Хурал “Тулгамдсан асуудал: хөгжиж буй орнууд дах хавдрын хяналт”
- 3 сарын 7-9-нд - Өмнөд Африкийн Кэйп Таун хот – Тамхи болон эрүүл мэндийн 17-р дэлхийн хурал “Тамхигүй ирээдүйн төлөө дэлхийг нэгтгэе”
- 4-р сарын 10-11-нд Сингапур улс – Өсвөр насныхны эрүүл мэнд болон дархлаажуулалтын асуудлууд
- 4-р сарын 23-25-нд ОХУ-ын Москва хот – Хүүхдийн хавдрын чиглэлийн Евроазийн бүсийн анхдугаар хурал
- 6-р сарын 14-15-нд Швед улсын Уппсала хот – Уппсала Эрүүл Мэнд зөвлөлгөөн. Хавдрын тусламж үйлчилгээ
- 6-р сарын –нд Казакстан улсын Алма Аты хот – Хүүхдийн хавдрын алба үүсч хөгжсөний 25 жилийн ойд зориулсан онол практикийн олон улсын хурал
- 09 сарын 15- 18-нд Индонез улсын Бали хот - Ази Номхон далайн орнуудын Тамхи болон ЭМ-н 12-р хурал
- 10 сарын 01-нд Малайз улсын Куала Лумпур хот - Хавдрын чиглэлийн Манлайлагчдын дэлхийн уулзалт
- 10 сарын 2-6-нд Австрали улсын Сидней хот - Хүний папиллома вирүсийн олон улсын 32-р их хурал
- 10 сарын 8-9-нд Казакстан улсын Алма Ата хот - Хүүхдийн хавдрын чиглэлийн Евроазийн бүсийн хоёрдугаар хурал
- 12 сарын 6-8-нд АНУ-ын Мемфис хот - Сэнт Жүүдийн Дэлхийн нийгэмлэгийн анхдугаар хурал



Зүүн дээд зураг: Тамхи болон эрүүл мэндийн 17-р дэлхийн хурал

Зүүн дүүд болон баруун дээд зургууд: Австрали улсын Сидней хот – Хүний папиллома вирүсийн олон улсын хурал



Баруун доод зураг: АНУ-ын Мемфис хот Сэнт Жүүдийн Дэлхийн нийгэмлэгийн анхдугаар хурал

ШАГНАЛ

2018 оны Нийгэм, хүмүүнлэгийн салбарын оны онцлох "Алтан сарнай-2018" хүндтэй шагналын эзэн боллоо.



2018 оны 12-р сарын 31-ний өдөр

Алтан сарнай -2018 шагнал гардуулах ёслол

УДИРДАХ ЗӨВЛӨЛИЙН ГИШҮҮД

Нэр

Албан тушаал болон боловсрол

Б.Цэцэгсайхан	ХҮЗ-ийн гүйцэтгэх захирал, Анагаах ухааны доктор
Б.Адьяахүү	Аварга дээд сургуулийн багш, Боловсролын ухааны доктор
Д.Гантөмөр	МИАТ ХК-ийн хангамж, үйлчилгээний хэлтсийн дарга, Инженерийн мастер
Б.Загал	Бизнесийн ухааны магистр, зөвлөх
С. Ламбаа	Боловсролын ухааны доктор, Эрүүл мэндийн сайд асан
Л.Өнөржаргал	Жендерийн мэргэжилтэн, Хөгжил судлалын магистр
А. Өнөржаргал	Эрүүл мэндийн удирдлагын магистр
С.Өнөрсайхан	Нийгмийн Эрүүл Мэндийн Үндэсний төвийн эрдэмтэн нарийн бичгийн дарга, Химийн ухааны доктор, дэд профессор
Г.Сумхүү	Төмөр замын сургалт судалгааны төвийн захирал, Техникийн ухааны доктор
Т.Хосбаяр	АШУҮИС-ын багш, Анагаах ухааны доктор
Г. Цэцэгдарь	Анагаах ухааны доктор
Н. Шинэ Оргил	МХЕГ-ын хэлтсийн дарга
Б.Булган	МНЭММН-ийн ажилтан, Төрийн удирдлагын магистр
А.Цэвээнгэрэл	Эдийн засгийн ухааны магистр, УИХ-ын гишүүний зөвлөх
Хүндэт зөвлөх: Жон Лангтри	Австрали Улсаас Монгол улсад суугаа онц бөгөөд бүрэн эрхт элчин сайд

АЖЛЫН АЛБА

Нэр

Албан тушаал

М.Маргад-эрдэнэ

Төслийн ажилтан

С.Отгонбилэг

Төслийн ажилтан

Х.Тунгалагтуяа

Төслийн ажилтан

Ц. Батцэцэг

Төслийн ажилтан

Линетт Смит

Австрали улсын сайн дурын ажилтан

Мэг Далмау

Австрали улсын сайн дурын ажилтан

ХАНДИВЛАГЧИД

Эдгээр бүх үйл ажиллагаануудыг хийж гүйцэтгэхэд үнэтэй хувь нэмэр оруулсан гадаад, дотоодын дэмжигч байгууллага, хувь хүмүүст талархал илэрхийлье.

- Тэнгэр даатгал
- Австралийн улсын Элчин сайдын яам
- ХНН УБТЗ
- Туушин Групп
- Эсэн Трейдинг ХХК
- Мурдокийн хүүхдийн судалгааны төв
- Дэлхийн Эрүүл Мэндийн Байгууллага
- Билл Мэлинда Гейтсийн сан
- Кейп Тауны их сургууль
- Их Британий Хавдрын судалгааны төв
- АНУ-ын Макс сан
- Канад улсын Лаурел сан
- Баянзүрх Ротари Клуб
- Скай хайпермаркет
- Хавдар судлалын үндэсний төв
- Халдварт өвчин судлалын үндэсний төв
- Нийгмийн Эрүүл мэндийн үндэсний төв
- Сэлэнгэ, Өмнөговь аймгийн ЭМГ
- Сүхбаатар, Багануур дүүргийн ЭМТөв
- АПУ ХХК
- Жаргалант Дулаан ХХК
- Дусал Өнгө ТББ
- Вайт хаус ХХК
- Монфа ХХК
- Элемент ХХК
- ХБХДТ ХХК
- Мод Маркет ХХК
- Гүнжийн Орд ХХК
- Jacobs ХХК
- Тэс петролиум ХХК
- Австралийн худалдааны газар
- Мастер матрас ХХК
- Шүтээн Монгол студи
- Хангай Лайнс клуб
- Хөх тэнгэр лайнс клуб
- Ар үр ресторан
- Хүүхдийг ивээх сан
- Оношмед ХХК
- Блю Скай Эйжиа ХХК
- Үндэсний бөхчүүд, үндэсний бөхчүүдийн гэргий нарын “Сайхан сэтгэл” групп
- ДеФакто Жаргалсайхан
- Улсын начин Б. Адъяахүү
- George Attewell
- Игорь Васильвич Милостных
- Adam Lawton
- Ш. Саранчимэг, Х. Уянга
- А. Өнөржаргал
- Б. Загал
- Ш. Энхцэцэг
- Д. Одгэрэл
- Д. Отгонбаяр
- Х. Ичинхорлоо
- Scott Schlink
- Ч. Сайнжаргал
- Т. Цолмон
- Ц. Хуягбат
- Ш.Мэндсайхан
- Н. Эрдэнэбат
- Н. Батбаяр
- Б. Чулуунхүү

- Юнивишн ХХК
- Элит мебель ХХК
- Монголын арсланчуудын клуб
- Улаанбаатар гутлын салон
- Налайхын аврах анги
- Цонх констракшн ХХК
- 93-р сургуулийн 1996 оны төгсөгчид
- ОХУ-ын Москва хотод сургууль төгсөгчид
- Үндэсний бөхчүүд
- “4 улирал” цэцэгчин бүсгүйчүүдийн групп
- Ч. Солонго багштай “Хүслэн” хүүхдийн зургийн дугуйлан
- “Австралид төгсөгчдийн “Эмэгтэйчүүдийн манлайлал” хөтөлбөрийн оролцогсод
- Галт тэрэгний аялалд оролцогсод
- Н. Нарантуяа
- Б. Батдэлгэр
- Х. Дарханбаатар
- Д. Тэрбиш
- Г. Нэмүүн
- Г. Ууганбаяр
- Б. Билэгсайхан
- Ч. Энхбат
- Д. Солонго
- Б. Орхон
- “Аз жаргалын хуанли-2018, 2019” хуанли, “Максимо Том Си”, “Австралид өнгөрүүлсэн 10 жил” ном худалдан авагсад
- 23-р сургуулийн 1985 оны 1”В” ангийнхан